

毛詩故訓定本

豳七月故訓傳第十五

毛詩國風

豳國七篇二十七章二百三句

七月八章章十一句

七月陳王業也周公遭變故陳后稷先公風化之所由致王業之艱難也

七月流火九月授衣一之日鷩發二之日栗列

下泉正義引二

之日栗列與王篇廣韻文選注皆合說文本有栗列二字今本列譌爲賴而大東疏引說文列寒兒可證無

衣無褐何以卒歲三之日于耜四之日舉趾同我婦子

饁彼南畝田畯至喜七月流火九月授衣春日載陽

有鳴倉庚女執懿筐遵彼微行爰求柔桑春日遲遲采

蔡祁祁女心傷悲殆及公子同歸 七月流火八月萑

葦

萑依字當艸下萑作萑近古但段萑萑字非從艸也

蠶月條桑取彼斧斨以伐

遠揚猗彼女桑七月鳴鵙八月載績載玄載黃我朱孔

陽爲公子裳 四月秀葇五月鳴蜩八月其穫十月隕

蕓一之日于貉

古作獬舟聲與狸裘合韻

取彼狐狸爲公子裘二之

日其同載績武公言私其縱獻豳于公 五月斯螽動

股六月莎雞振羽七月在野八月在宇九月在戶十月

蟋蟀入我牀下穹窒熏鼠塞向瑾戶嗟我婦子曰爲改

歲入此室處 六月食鬱及薁七月亨葵及菽八月剥

棗十月穫稻爲此春酒以介眉壽七月食瓜八月斷壺

九月叔苴采荼薪樗食我農夫 九月築場圃十月納  
禾稼黍稷重穆禾麻苽麥嗟我農夫我稼既同上入執  
官公依正義公事也晝爾于茅宵爾索綯亟其乘屋其始播百  
穀 二之日鑿冰沖沖三之日納于凌陰四之日其蚤  
獻羔祭韭九月肅霜十月滌場朋酒斯饗曰殺羔羊躋  
彼公堂稱彼兕觥萬壽無疆

火大火流下也九月授衣九月霜始降婦功成可以  
授冬衣矣一之日一此字今補十之餘也一之日周正月

也驚發風寒也二之日殷正月也栗冽寒氣也三之  
日夏正月也幽土晚寒于耜始脩耒耜也四之日周

四月也舉趾民無不舉足而耕矣饁饋也田畯田大  
夫也倉庚離黃也懿筐深筐也遵彼微行爰求柔桑  
微行牆下徑也五畝之宅樹之以桑遲遲舒緩也纂  
白蒿也所以生蠶祁祁眾多也傷悲感事苦也春女  
悲秋士悲感其物化也殆及公子同歸殆始及與也  
幽公子躬率其民同時出同時歸也八月萑葦亂爲  
萑葭爲葦豫畜萑葦可以爲曲也斨方登斧也斨字  
依說  
文遠枝遠也揚條揚也角而束之曰猗女桑葭桑也  
補鴉伯勞也載績絲事畢而麻事起矣玄黑而有赤也  
朱深纁也陽明也祭服玄衣纁裳不榮而實曰秀蓂

萋草也蜩蟬也其穫禾可穫也隕墜落也于貉謂

取貉貉皮狐狸狐狸皮也

小戎傳虎虎皮也今依以補六字

狐貉

之厚以居孟冬天子始裘纘繼功事也

經傳功字疑公之誤故下

文官公不再釋言私其縱獻豸于公豕一歲曰豸三歲曰豸

大獸公之小獸私之斯螽蚣蝑也莎雞振羽羽成而

振訊之也宵竊窒塞也向北出牖也瑾塗也庶人簞

戶鬱棣屬萸萸也剝擊也

此謂剝即支之段借也故普木切支今字作扑

春酒凍醪也眉壽豪眉也壺瓠也

此謂叔拾也苴麻

子也構惡木也春夏爲圃秋冬爲場後孰曰重先孰

曰穆入爲上出爲下宵夜綯絞也乘升也二之日鑿

冰沖沖冰盛水複宋本釋文毛詩皆作複則命取冰於山林沖

沖鑿冰之意凌陰冰室也九月肅霜肅縮也霜降而

收縮萬物滌場滌埽也正義岳本場功畢入也朋酒斯饗

曰殺羔羊兩樽曰朋饗者鄉人飲酒也據正義補與說文正合此

因兩鄉人其牲此二字鄉人以狗大夫加以羔羊公

堂學校也觥所以誓眾也疆竟也

鴉鴉四章章五句

鴉鴉周公救亂也成王未知周公之志公乃爲詩以遺

王名之曰鴉鴉焉

鴉鴉鴉既取我子無毀我室恩斯勤斯鬻子之閔斯

迨天之未陰雨徹彼桑土綢繆牖戶今女下民或敢

侮予予手拮据予所捋荼予所蓄祖予口卒瘁曰予

未有室家予羽譙譙予尾修修唐定本宋監本越本蜀本皆作修修唐石

經宋集韻光堯石經皆作脩脩蓋毛詩本用合韻淺人

改爲消又或改爲脩今本釋文亦是淺人所改集韻所

據釋文予室翹翹風雨所漂搖予維音之嘒嘒之字依玉篇廣

鴝鴝鴝鴝既取我子無毀我室興也鴝鴝鴝鴝也無

能毀我室者攻堅之故也寧亾二子不可以毀我周

室恩愛嚮稚閔病也稚子成王也迨及徹剝也桑土

桑根也拮据戢搨也荼萑菰也祖爲正義曰祖訓始也物之初始必



有爲之故毛傳云祖爲也釋文曰祖又作祖  
如字今俗本作又作祖見宋本有不誤者 瘠病也  
手病口病故能免乎大鳥之難曰予未有室家謂我  
未有室家也譙譙殺也修修敝也翹翹危也嘒嘒懼  
也

東山四章章十二句

東山周公東征也周公東征三年而歸勞歸士大夫美  
之故作是詩也一章言其完也二章言其思也三章言  
其室家之望女也四章樂男女之得及時也君子之於  
人序其情而閔其勞所以說也說以使民民忘其死其  
唯東山乎

我徂東山惛惛不歸我來自東零雨其濛我東曰歸我心西悲制彼裳衣勿士行枚蜎蜎者蜀烝在桑野敦彼獨宿亦在車下 我徂東山惛惛不歸我來自東零雨其濛果臝之實亦施于宇伊威在室蠨蛸在戶町疇鹿場熠燿宵行不可畏也伊可懷也 我徂東山惛惛不歸我來自東零雨其濛鸛鳴于垤婦歎于室洒掃穹窒我征聿至有敦瓜苦烝在栗薪自我不見于今三年 我徂東山惛惛不歸我來自東零雨其濛倉庚于飛熠燿其羽之子于歸皇駁其馬親結其縢九十其儀其新孔嘉其舊如之何

惛惛言久也濛雨貌我心西悲公族有辟公親素服

不舉樂爲之變如其倫之喪士事枚微也

周南傳枝曰條餘曰

枚是本義此枚微也與魯頌枚枚翦密也皆是段借謂枚爲微之畧借也謂之微者兵事神密也一章言其完故云勿事行微詳釋文鄭乃云行陳銜枚非毛意

蜎蜎蜀貌蜀桑蟲也烝

寘也果羸枯樓也伊威委黍也蠅蛸長跼也町疃鹿

迹也熠燿舜也燐燐火也

熒火與列子天瑞淮南汜論說林二訓說文博物志

所說皆合謂鬼火熒熒然者也淺人誤以釋蟲之熒火卽炤當之又改其字从虫其誤蓋始於陳思王也思王引韓詩章句鬼火或謂之磷然則毛韓無異又毛多云行道也宵行正謂夜閒之道由室戶而場而行由近及遠也

鵲鳴于垤垤蟻冢也將陰雨則穴處先知之

矣鵲好水長鳴而喜也敦猶專專也烝眾也有敦瓜

苦烝在粟薪言我心苦事又苦也

毛意取義於與黃鄭箋非毛意也

白曰皇駟白曰駁繡婦人之褱也母戒女施紵結悅九十其儀言多儀也其舊如之何言久長之道也

破斧三章章六句

破斧美周公也周大夫以惡四國焉

既破我斧又缺我斨周公東征四國是皇哀我人斯亦孔之將 既破我斧又缺我錡周公東征四國是吡哀我人斯亦孔之嘉 既破我斧又缺我鉞周公東征四國是道哀我人斯亦孔之休

隋登曰斧

七月正義引此傳有方登曰斨四字

斧斨民之用也禮義國

家之用也四國管蔡商奄也皇匡也此謂將大也鑿

屬曰錡吡化也此謂木屬曰鉢說文曰鉢鑿首也適固也休

美也

伐柯二章章四句

伐柯美周公也周大夫刺朝廷之不知也

伐柯如何匪斧不克取妻如何匪媒不得 伐柯伐柯

其則不遠我觀之子籩豆有踐

柯斧柄也禮義者亦治國之柄媒所以用禮也治國

不能用禮則不安其則不遠以其所願乎上交乎下

以其所願乎下事乎上不遠求也踐行列貌

九罭四章一章四句三章章三句

九罭美周公也周大夫刺朝廷之不知也

宋本附音義云罭本又作

棧

九罭之魚鱗魴我觀之子衮衣繡裳 鴻飛遵渚公歸  
無所於女信處 鴻飛遵陸公歸不復於女信宿 是  
以有衮衣兮無以我公歸兮無使我心悲兮

九罭之魚鱗魴興也九罭綬罟小魚之網也

釋文罭本又作

或今本或作罭非也或古域字九域言域之多域謂  
網目也傳云綬罟即數罟魚麗傳集注作綬罟定本  
作數罟是也故鱗魴大魚也衮衣繡裳所以見周公

曰小魚之網

也衮衣卷龍衣也

衣字補

鴻飛遵渚鴻不立循渚也

說文

曰鴻者鴻鵠也鴻鵠卽黃鵠也黃鵠一舉知山川之  
紆曲再舉知天地之圓方取爲大鳥故箋云大鳥傳  
云鴻不空循渚陸非鴻所宜止非謂大雁也小雅傳  
云大曰鴻小曰鴈此因下言鴈決上言大鴈乃鴻字  
良借之用而今公歸無所於女信處周公未得禮也  
人遂失鴻本義再宿曰信鴻飛遵陸陸非鴻所宜止宿猶處也無以  
我公歸兮無與公歸之道也

狼跋二章章四句

狼跋美周公也周公攝政遠則四國流言近則王不知  
周大夫美其不失其聖也

狼跋其胡載寔其尾公孫碩膚赤舄几几 狼寔其尾  
載跋其胡公孫碩膚德音不瑕

狼跋其胡載蹇其尾與也跋蹇蹇踳也老狼有胡進則蹇其胡退則踳其尾進退有難然而不失其猛公孫成王也幽公之孫也碩大膚美也赤舄人君之盛屨也几几絢貌瑕過也



鹿鳴之什故訓傳第十六

毛詩小雅

鹿鳴之什十篇五十五章三百一十五句

鹿鳴三章章八句

鹿鳴燕羣臣嘉賓也既飲食之又實幣帛筐篚以將其厚意然後忠臣嘉賓得盡其心矣

呦呦鹿鳴食野之苹我有嘉賓鼓瑟吹笙吹笙鼓簧承筐是將人之好我示我周行呦呦鹿鳴食野之蒿我

有嘉賓德音孔昭視民不忒

說文作佻

君子是則是攸我有

旨酒嘉賓式燕以敖呦呦鹿鳴食野之苹我有嘉賓

鼓瑟鼓琴鼓瑟鼓琴和樂且湛我有旨酒以燕樂嘉賓

之心

呦呦鹿鳴食野之苹興也苹萍也鹿得萍呦呦然鳴

而相呼懇誠發乎中以興嘉樂賓客當有懇誠相招

呼以成禮也吹笙鼓簧簧笙簧也

此簧字今補

吹笙則鼓

簧矣

君子陽陽疏引吹笙則鼓簧矣宋書樂志引吹笙則簧鼓矣今依疏本

篴篴屬所

以行幣帛也周至行道也蒿藜也桃愉也是則是攸

言可法倣也敖遊也芩草也湛樂之久以燕樂嘉賓

之心燕安也夫不能致其樂則不能得其志不能得

其志則嘉賓不能竭其力

四牡五章章五句

四牡勞使臣之來也有功而見知則說矣

四牡駢駢周道倭遲豈不懷歸王事靡盬我心傷悲

四牡駢駢嘽嘽駱馬豈不懷歸王事靡盬不遑啓處

翩翩者騅載飛載下集于苞栩王事靡盬不遑將父

翩翩者騅載飛載止集于苞杞王事靡盬不遑將母

駕彼四駱載驟駸駸豈不懷歸是用作歌將母來詵

四牡駢駢周道倭遲駢駢行不止之貌周道岐周之

道也倭遲歷遠之貌文王率諸侯撫叛國而朝聘乎

紂故周公作樂以歌文王之道爲後世法盥不堅固

也思歸者私恩也靡盬者公義也傷悲者情思也無

私恩非孝子也無公義非忠臣也君子不以私害公

不以家事辭王事

無私恩以下二十八字從集注及定本係之傳

嘽嘽喘息

之貌馬勞則喘息白馬黑鬣曰駱不遑啓處遑暇啓

跪處居也臣受命舍幣于禰乃行雖夫不也將養也

杞枸樞也駸駸驟貌將母來諗諗念也

念下當有言字

父兼

尊親之道母至親而尊不至

皇皇者華五章章四句

皇皇者華君遣使臣也送之以禮樂言遠而有光華也

皇皇者華于彼原隰駢駢征夫每懷靡及我馬維驕

六轡如濡載馳載驅周爰咨諏我馬維騏六轡如絲

載馳載驅周爰咨謀 我馬維駟六轡沃若載馳載驅  
周爰咨度 我馬維駟六轡旣均載馳載驅周爰咨詢  
皇皇者華于彼原隰皇皇猶煌煌也高平曰原下溼  
曰隰忠臣奉使能光君命無遠無近如華不以高下  
易其色駢駢衆多之貌征夫行人也每懷靡及每雖  
懷和也忠信爲周訪問於善爲咨咨事爲諏如絲言  
調忍也咨事之難易爲謀咨禮義所宜爲度陰白雜  
毛曰駟均調也親戚之謀爲詢兼此五者雖有中和  
當自謂無所及成於六德也  
雖有中和卽上文每雖懷和也鄭箋非毛意

常棣八章章四句

常棣燕兄弟也閔管蔡之失道故作常棣焉

常棣之華鄂不韡韡凡今之人莫如兄弟 死喪之威  
兄弟孔懷原隰哀矣兄弟求矣 脊令在原兄弟急難  
每有良朋兄也永歎 兄弟鬩于牆外御其務每有良  
朋烝也無戎 喪亂既平既安且寧雖有兄弟不如友  
生 饋爾邊豆飲酒之飫兄弟既具和樂且孺 妻子  
好合如鼓瑟琴兄弟既翕和樂且湛 宜爾家室 凡宋本岳  
本皆作樂爾妻帑是究是圖亶其然乎  
家室

常棣之華鄂不韡韡興也常棣棣也鄂猶鄂鄂然言  
外發也韡韡光明也今聞常棣之言爲今也威畏懷

思也哀聚也求矣言求兄弟也脊令雖渠也飛則鳴

行則搖不能自舍耳急難言兄弟之相救於急難兄

茲出車況瘁箋云茲益懽懽戴東原曰茲今通用茲說文茲艸木多益也茲益也詩之辭意言不能如

兄弟相救空滋之長歎而已韋注國語云況益也王裁謂此與桑柔召旻傳今文尚書毋兄曰則兄自正

同作兄是永長也閱很也御禦務侮也兄弟雖內閱作況非

而外禦侮也此傳十五字本國語今本衍箋云非也作正義時未誤定本改御禦二字為禦

禁二字不知御禦見於谷風傳矣正義疑爾雅有禦禁而無御禦不知爾雅禦御禁三字互訓烝填

戎相也雖有兄弟不如友生兄弟尚恩熙熙然朋友

以義切切節節然十六字從儻陳飫私也不脫屢升

堂謂之飫當作燕私也脫屢升堂惟燕私為然飲韓詩作茨湛露脫屢升堂

三言  
醢其說曰脫屣升席曰宴能者飲不能者已曰醢  
醢是一事毛公渾言之毛謂飲乃醢之段借也左思  
賦曰惜惜醢讎以古韵訂之从西區聲九族會曰和  
乃與豆具孺叶韓用正字毛用段借  
孺屬也王與親戚燕則尙毛翕合也帑子也究深圖  
謀亶信也

### 伐木六章章六句

伐木燕朋友故舊也自天子至於庶人未有不須友以  
成者親親以睦友賢不棄不遺故舊則民德歸厚矣  
伐木丁丁鳥鳴嚶嚶出自幽谷遷于喬木嚶其鳴矣求  
其友聲相彼鳥矣猶求友聲矧伊人矣不求友生神  
之聽之終和且平伐木許許醴酒有藇既有肥羜以



速諸父寧適不來微我弗顧 於粲洒埽陳饋八簋既  
有肥牡以速諸舅寧適不來微我有咎 伐木于阪醜  
酒有衍籩豆有踐兄弟無遠民之失德乾餱以愆 有  
酒湑我無酒酤我坎坎鼓我塤塤舞我迨我暇矣飲此  
湑矣

伐木丁丁鳥鳴嚶嚶出自幽谷遷于喬木嚶其鳴矣  
求其友聲興也丁丁伐木聲也嚶嚶驚懼也幽深喬  
高也君子雖遷於高位不可以忘其朋友矧況也木  
作兄即前篇及召曼之兄茲柔桑之兄許許柿貌以  
茲謂加益也說文云坎兄詞也本此 謹曰醜以藪曰湑  
正義云藪艸也按說文醜醜酒也 湑昔酒也昔者禮祭束茅加於裸

圭而灌也酒是爲酋然則正義釋藇爲艸是矣

藇美貌

藇與我黍與與同義

矜未成羊

也天子謂同姓諸侯諸侯謂同姓大夫皆曰父異姓則稱舅國君友其賢臣大夫士友其宗族之仁者微無也粲鮮明貌圓曰簋天子八簋咎過也衍美貌饌食也滑蓄之也酤一宿酒也樽樽舞貌

天保六章章六句

天保下報上也君能下下以成其政臣能歸美以報其上焉

天保定爾亦孔之固俾爾單厚何福不除俾爾多益以莫不庶天保定爾俾爾穀馨無不宐受天百祿降

爾遐福維日不足 天保定爾以莫不興如山如阜如岡如陵如川之方至以莫不增 吉蠲爲饔是用孝享 禴祠烝嘗于公先王君曰卜爾萬壽無疆 神之弔矣 詒爾多福民之質矣日用飲食羣黎百姓徧爲爾德 如月之恆如日之升如南山之壽不騫不崩如松柏之茂無不爾或承

固堅也俾使單信也或曰單厚也

毛兩釋皆謂單爲重之段借除

開也庶衆也戩福穀祿罄盡也如山如阜如岡如陵言廣厚也高平曰陸大陸曰阜大阜曰陵吉善蠲絜也饔酒食也享獻也春曰祠夏曰禴秋曰嘗冬曰烝

公事也君曰卜爾萬壽無疆君先君也尸所以象神  
著此句者謂其辭出于尸也卜子也弔至也詒遺也質成也百姓  
百官族姓也如月之恆如日之升恆此謂恆卽升  
出也言俱進也騫虧也

采薇六章章八句

采薇遣戍役也文王之時西有昆夷之患北有獫狁之  
難以天子之命命將率遣戍役以守衛中國故歌采薇  
以遣之出車以勞還杖杜以勤歸也

采薇采薇薇亦作止曰歸曰歸歲亦莫止靡室靡家獫  
狁之故不遑啓居獫狁之故采薇采薇薇亦柔止曰

歸曰歸心亦憂止憂心烈烈載飢載渴我戍未定靡使  
歸聘 采薇采薇薇亦剛止曰歸曰歸歲亦陽止王事  
靡盬不遑啓處憂心孔疚我行不來 彼爾維何維常  
之華彼路斯何君子之車戎車旣駕四牡業業豈敢定  
居一月三捷 駕彼四牡四牡騤騤君子所依小人所  
腓四牡翼翼象弭魚服豈不日戒獫狁孔棘 昔我往  
矣楊柳依依今我來思雨雪霏霏行道遲遲載渴載飢  
我心傷悲莫知我哀

薇菜作生也獫狁北狄也柔始生也聘問也剛少而  
剛也陽歷陽月也疾病來至也爾華盛貌常常棣也

業業然壯也捷勝也駢駢疆也腓碎也翼翼閑也象  
弭弭弓反末也可以解轡紛者轡字依說文補紛說文作紛似紛長魚  
服魚魚皮也楊柳蒲柳也霏霏甚也遲遲長遠也我  
心傷悲莫知我哀君子能盡人之情故人忘其死

出車六章章八句

出車勞還率也

我出我車于彼牧矣自天子所謂我來矣召彼僕夫謂  
之載矣王事多難維其棘矣我出我車于彼郊矣設  
此旄矣建彼旄矣彼旃旄斯胡不旆旆憂心悄悄僕夫  
況瘁王命南仲往城于方出車彭彭旂旄英英天子

命我城彼朔方赫赫南仲獫狁于襄 昔我往矣黍稷  
方華今我來思雨雪載塗王事多難不遑啓居豈不懷  
歸畏此簡書 嘒嘒草蟲趯趯阜螽未見君子憂心忡  
忡既見君子我心則降赫赫南仲薄伐西戎 春日遲  
遲卉木萋萋倉庚喈喈采芣祁祁執訊獲醜薄言還歸  
赫赫南仲獫狁于夷

我出我車于彼牧矣出車就馬于牧地也僕夫御夫

也龜蛇曰旐旐干旐鳥隼曰旟旟旟旒垂貌

旟字則爲旒垂

兒單言旟則爾雅云繼旐曰旟

王殷王也南仲文王之屬方朔方近

獫狁之國也彭彭四馬貌交龍爲旂英英鮮明也朔

方北方也赫赫盛貌襄除也塗凍釋也

東塗見簡書夏小正

戒命也鄰國有急以簡書相告則奔命救之卉草也

訊辭也夷平也

### 杕杜四章章七句

杕杜勞還役也

有杕之杜有皖其實

宋毛詩載音義云皖字從白或從日邊非

王事靡盬繼

嗣我日日月陽止女心傷止征夫遑止

有杕之杜其

葉萋萋王事靡盬我心傷悲卉木萋止女心悲止征夫

歸止

陟彼北山言采其杞王事靡盬憂我父母檀車

幘幘四牡瘡瘡征夫不遠

匪載匪來憂心孔疚期逝



不至而多爲恤卜筮偕止會言近止征夫邇止

有杖之杜有皖其實興也皖實貌杖杜猶得其時蕃  
滋役夫勞苦不得盡其天性卉木萋止女心悲止征  
夫歸止室家踰時則思也檀車役車也憚憚敝貌瘡  
瘡罷貌期逝不至而多爲恤逝往恤憂也遠行不必  
如期室家之情以期望之卜筮偕止會言近止卜之  
筮之會人占之也邇近也

魚麗六章三章章四句三章章二句

魚麗美萬物盛多能備禮也文武以天保以上治內采  
薇以下治外始於憂勤終於逸樂故美萬物盛多可以

告於神明矣

魚麗于罍鱮鯨君子有酒旨且多 魚麗于罍魴鱧君子有酒多且旨 魚麗于罍鰾鯉君子有酒旨且有 物其多矣維其嘉矣 物其旨矣維其偕矣 物其有矣維其時矣

魚麗于罍鱮鯨麗歷也罍曲梁也寡婦之笱也鱮楊也鯨鮪也大平而後微物眾多取之有時用之有道則物莫不多矣古者不風不暴不行火草木不折不芟斤斧不入山林豺祭獸然後殺獺祭魚然後漁鷹隼擊然後罝羅設是以天子不合圍諸侯不掩羣大

夫不麝不卵士不偃塞

偃堰古今字古庶人不總

罟必四寸然後入澤梁故山不童澤不竭鳥獸魚鼈

皆得其所然

古然焉通用

鱧鮓也鰕鮓也

南陔孝子相戒以養也白華孝子之絜白也華黍時和

歲豐宜黍稷也有其義而亡其辭

按此七字毛公所著鄭云孔子時六亡詩

俱在戰國及秦之世而亡其義則與眾篇之義台編故在然則兩云有其義而亡其辭毛公所著無疑也鄭又云毛公闕其亡者以見在為數故推改什首遂通耳而下非孔子之舊然則孔子時當作鹿鳴之什白華之什彤弓之什祈父之什小旻之什北山之什桑扈之什都人士之什凡小雅之篇八什

南有嘉魚之什故訓傳第十七

毛詩小雅

南有嘉魚之什十篇四十六章二百七十二句

南有嘉魚四章章四句

南有嘉魚樂與賢也太平君子至誠樂與賢者共之也  
南有嘉魚烝然罩罩君子有酒嘉賓式燕以樂 南有  
嘉魚烝然汕汕君子有酒嘉賓式燕以衍 南有樛木  
甘瓠纍之君子有酒嘉賓式燕綏之 翩翩者騅烝然  
來思君子有酒嘉賓式燕又思

南有嘉魚南江漢之閒魚所產也罩罩簠也汕汕櫟

也

按當云罩簠也汕櫟也不當疊字罩罩者以罩罩魚也汕汕者以汕汕魚也

衍樂也南

有樛木甘瓠纍之興也纍蔓也離壹宿之鳥

南山有臺五章章六句

南山有臺樂得賢也得賢則能爲邦家立大平之基矣  
南山有臺北山有萊樂只君子邦家之基樂只君子萬  
壽無期 南山有桑北山有楊樂只君子邦家之光樂  
只君子萬壽無疆 南山有杞北山有李樂只君子民  
之父母樂只君子德音不已 南山有栲北山有杻樂  
只君子遐不作壽樂只君子德音是茂 南山有枸北  
山有楸樂只君子遐不作黃耇樂只君子保艾爾後  
南山有臺北山有萊興也臺夫須也萊萊草也基本

也栲山樗也枻櫬也眉壽秀眉也枸枳枸桼鼠梓黃

黃髮也耆老艾養保安也

依傳似經文當作艾保

由庚萬物得由其道也崇丘萬物得極其高大也由儀萬物之生各得其宜也有其義而亡其辭

### 蓼蕭四章章六句

蓼蕭澤及四海也

蓼彼蕭斯零露漙兮既見君子我心寫兮燕笑語兮是以有譽處兮  
蓼彼蕭斯零露瀼瀼既見君子爲龍爲光其德不爽壽考不忘  
蓼彼蕭斯零露泥泥既見君子孔燕豈弟兄弟令德壽豈  
蓼彼蕭斯零露濃

濃既見君子攸革冲冲和鸞離離萬福攸同

蓼彼蕭斯零露漙兮興也蓼長大貌蕭蒿也漙漙然

蕭上露貌寫輪寫其心也漙漙露蕃貌龍寵也爽差

也泥泥霑濡也豈樂也

釋文此謂豈即愷之段借

弟易也宐兄宐

弟爲兄亦宐爲弟亦宐也濃濃厚貌攸鸞首飾也革

鸞首也

此謂革即勒字古文省

冲冲垂飾兒在軾曰和在鑣曰

鸞

攸革古金石文字皆作攸勒或作簽勒說文曰簽鸞首銅也然則簽以飾鸞首傳云垂飾兒正謂簽

也

韓奕鞞以爲鞞淺以爲鞞簽以飾勒金以飾軛四事一例載見云攸革有鸞鸞謂金飾采芑箋云攸革

鸞首垂也

皆可證各本作攸鸞也係淺人明首飾二字攸作鞞亦淺人爲之今正蓋毛多古文以攸革爲

勒

簽

湛露四章章四句

湛露天子燕諸侯也

湛湛露斯匪陽不晞厭厭夜飲不醉無歸 湛湛露斯

在彼豐草厭厭夜飲在宗載考 湛湛露斯在彼杞棘

顯允君子莫不令德 其桐其椅其實離離豈弟君子

莫不令儀

湛湛露斯匪陽不晞興也湛湛露茂盛貌陽日也

此謂

陽即陽

晞乾也露雖湛湛然見陽則乾厭厭安也

此謂

之段借

厭厭即情

夜飲燕私也不誤楚茨尚書大傳皆云燕

情之段借

燕私各本誤作私燕考正義

不誤楚茨尚書大傳皆云燕

私不醉無歸宗子將有事則族人皆侍不醉而出是



不親也醉而不出是禦宗也豐茂也在宗夜飲必於宗室離離垂也

彤弓三章章六句

彤弓天子錫有功諸侯也

彤弓召兮受言藏之我有嘉賓中心貺之鍾鼓既設一朝饗之 彤弓召兮受言載之我有嘉賓中心喜之鍾鼓既設一朝右之 彤弓召兮受言櫜之我有嘉賓中心好之鍾鼓既設一朝隣之

彤弓朱弓也以講德習射召弛貌言我也貺賜也

本脫

作兄兄滋也滋益也引申之凡賜予曰兄俗字加貝作貺載載以歸也喜樂也右

勸也

此謂右即  
侑之段借

藥韜也好說也醕報也

菁菁者莪四章章四句

菁菁者莪樂育材也君子能長育人材則天下喜樂之  
矣

菁菁者莪在彼中阿既見君子樂且有儀 菁菁者莪  
在彼中沚既見君子我心則喜 菁菁者莪在彼中陵  
既見君子錫我百朋 汎汎楊舟載沈載浮既見君子  
我心則休

菁菁者莪在彼中阿興也菁菁盛貌莪蘿蒿也中阿  
阿中也夫陵曰阿君子能長育人材如阿之長莪菁

菁然中沚沚中也喜樂也中陵陵中也汎汎楊舟載

沈載浮楊木也爲舟載沈亦浮載浮亦浮

各本作載沈亦沈今

從正義

六月六章章八句

六月宣王北伐也鹿鳴廢則和樂缺矣四牡廢則君臣  
缺矣皇皇者華廢則忠信缺矣常棣廢則兄弟缺矣伐  
木廢則朋友缺矣天保廢則福祿缺矣采芣廢則征伐  
缺矣出車廢則功力缺矣杕杜廢則師衆缺矣魚麗廢  
則法度缺矣南陔廢則孝友缺矣白華廢則廉恥缺矣  
華黍廢則蓄積缺矣由庚廢則陰陽失其道理矣南有

嘉魚廢則賢者不安下不得其所矣崇三廢則萬物不  
遂矣南山有臺廢則爲國之基隊矣由儀廢則萬物失  
其道理矣蓼蕭廢則恩澤乖矣湛露廢則萬國離矣彤  
弓廢則諸夏衰矣菁菁者莪廢則無禮儀矣小雅盡廢  
則四夷交侵中國微矣

六月棲棲戎車旣飭四牡騤騤載是常服獫狁孔熾我  
是用急王于出征以匡王國 比物四驪閑之維則維  
此六月旣成我服我服旣成于三十里王于出征以佐  
天子 四牡修廣其大有顒薄伐獫狁以奏膚公有嚴  
有翼共武之服共武之服以定王國 獫狁匪茹整居

焦穫侵鎬及方至于涇陽織文鳥章

織讀爲識古帛夜微幟作微識

央央

正義云言帛旆者謂絳帛猶通帛爲旆亦是絳公羊疏引帛旆英英古段夜爲旆

元戎十

乘以先啓行

戎車旣安如輕如軒四牡旣佶旣佶且

閑薄伐獫狁至于大原文武吉甫萬邦爲憲吉甫燕

喜旣多受祉來歸自鎬我行永久飲御諸友魚鼈膾鯉

魚禮注作魚通俗文燥煮曰魚與瓠葉闕宮之炮迴別

侯誰在矣張仲孝友

棲棲簡閱貌飭正也日月爲常服戎服也熾盛也比

物四驪閑之維則物毛物也則法也言先教戰然後

用師于三十里師行三十里也

師行之下常有日字王于出征

以佐天子出征以佐其爲天子也修長廣大也顯大

貌奏爲膚大公功也嚴威嚴也翼敬也焦穫周地接

于獫狁者鳥章錯革鳥爲章也帛旻繼旒者也央央

鮮明貌

此謂央卽英之段借

元戎元大也夏后氏曰鈞車先正

也殷曰寅車先疾也周曰元戎先良也輕摯

考工記大車之

摯估正也薄伐獫狁至于大原言逐出之而已文武

吉甫吉甫尹吉甫也有文有武憲法也祉福也御進

也侯維也張仲孝友張仲賢臣也善父母爲孝善兄

弟爲友使文武之臣征伐與孝友之臣處內

### 采芑四章章十二句

采芑宣王南征也

薄言采芑于彼新田于此舊畝方叔涖止其車三千師  
干之試方叔率止乘其四騏四騏翼翼路車有奭簟第  
魚服鉤膺攸革薄言采芑于彼新田于此中鄉方叔  
涖止其車三千旂旐英英方叔率止約軹錯衡八鸞璫  
璫服其命服朱芾斯皇有璫蔥珩歟彼飛隼其飛戾  
天亦集爰止方叔涖止其車三千師干之試方叔率止  
鉦人伐鼓陳師鞠旅顯允方叔伐鼓淵淵振旅闐闐  
蠢爾荆蠻大邦爲讎方叔元老克壯其猶方叔率止執  
訊獲醜戎車嘽嘽嘽嘽焞焞如霆如雷顯允方叔征伐  
獫狁荆蠻來威

薄言采芑于彼新田于此菑畝興也芑菜也田一歲  
曰菑二歲曰新田三歲曰畝宣王能新美天下之士  
然後用之方叔涖止方叔卿士也受命而爲將也涖

臨

此謂涖卽  
壞之段借

師衆干扞試用也夷赤貌鉤膺樊纓也

鄉所也約軹長轂之軹也朱而約之錯衡文衡也瑒

瑒聲也朱莠黃朱莠也皇猶煌煌也瑒珩聲也葱蒼

也三命葱珩言周室之強車服之美也言其強美斯

劣矣戾至也伐擊也鉦以靜之鼓以動之鞠告也淵

淵鼓聲也入曰振旅復長幼也蠡動也荆蠻荊州之

蠻也

依傳則知經文定是荆蠻國語晉語漢書韋玄  
成傳後書李膺傳文選王仲宣誄及唐初人所



引皆不誤方叔元老元大也五官之長出于諸侯曰天子之老壯大猶道也嘽嘽眾也煇煇盛也

車攻八章章四句

車攻宣王復古也宣王能內修政事外攘夷狄復文武之竟土修車馬備器械復會諸侯於東都因田獵而選車徒焉

我車既攻我馬既同四牡龐龐駕言徂東 田車既好

四牡孔阜東有甫草駕言行狩 之子于苗遐徒跼跼

建旆設旄薄狩于敖

薄狩東京賦水經沛水注後漢書安帝紀注及初學記所引皆可證

薄辭也箋云狩田獵搏獸也釋狩以搏獸者以上文言苗毛謂夏獵則不當復舉冬獵之名且上章言行狩疏

謂是獵之總名則此狩字當爲實事以別於上章

駕彼四牡四牡奕奕赤芾

金舄會同有繹

史拾既飲

釋文作史

弓矢既譟射夫既同

助我舉柴

四黃既駕兩驂不倚

倚今本作倚按傳箋皆不云倚倚也則經

文本作倚與倚重較今同誤

不失其馳舍矢如破

蕭蕭馬鳴悠悠

旆旌徒御不警

經文作警傳箋正義皆甚明

大庖不盈

之子于征

有聞無聲允矣君子展也大成

攻堅同齊也宗廟齊豪尚純也戎事齊力尚強也田

獵齊足尚疾也麗麗充實也東洛邑也甫大也田者

大艾草以爲防或舍其中褐纏旆以爲門裘纏質以

爲櫬閉容握驅而入聲則不得入之左者之左之右

者之右

十字依釋文

然後焚而射焉天子發然後諸侯發

諸侯發然後大夫士發天子發抗大綏諸侯發抗小

綏獻禽於其下故戰不出頃田不出防不逐奔走古

之道也之子有司也夏獵曰苗選徒蹢蹢蹢蹢聲也

維數車徒者爲有聲也敖地名駕彼四牡四牡奕奕

言諸侯來會也赤芾金舄諸侯赤芾金舄舄達屨也

達沓古字通鄭注周禮云單下曰屨複下曰舄然則達取重沓之義金舄謂金飾其下其上則赤也故於

此言之而時見曰會殷見曰同繹陳也夫所以鉤絃

也所以二拾遂也攸利也柴積也四黃旣駕兩驂不

倚言御者之良也不失其馳舍矢如破言習于射御

法也蕭蕭馬鳴悠悠旆旌言不謹謹也徒輦者御御

馬者

二者字本作也

不警警也不盈盈也一日乾豆二曰賓

客三曰充君之庖故自左膘而射之達于右髀爲上

殺射右耳本次之

鄭云此射當爲達

射左髀達于右髀爲下

殺面傷不獻踐毛不獻

謂毛遭蹂躪狼藉正義說非

不成禽不獻

禽雖多擇取三十焉其餘以與大夫士以習射於澤

宮田雖得禽射不中不得取禽田雖不得禽射中則

得取禽古者以辭讓取不以勇力取有聞無聲有善

聞而無誼譁之聲也

吉日四章章六句

吉日美宣王田也能慎微接下無不自盡以奉其上焉  
吉日維戊旣伯旣禱田車旣好四牡孔阜升彼大阜從  
其羣醜 吉日庚午旣差我馬獸之所同麇鹿麇麇漆  
沮之從天子之所 瞻彼中原其祁孔有儻儻俟俟或  
羣或友悉率左右以燕天子 旣張我弓旣挾我矢發  
彼小豸殪此大兕以御賓客且以酌醴

維戊順類乘牡也伯馬祖也重物慎微將用馬力必  
先爲之禱其祖禱禱獲也庚外事以剛日也差擇也  
鹿牝曰麇麇衆多也漆沮之從天子之所漆沮之  
水應鹿所生也從漆沮驅禽而致天子之所祁大也

趨則儻儻行則俟俟獸三曰羣二曰友悉率左右以  
燕天子驅禽之左右以安待天子也發彼小豨殪此  
大兕殪壹發而死言能中微而制大也酌醴饗醴天  
子之飲酒也

鴻鴈之什故訓傳第十八

毛詩小雅

鴻鴈之什十篇三十二章二百三十句

鴻鴈三章章六句

鴻鴈美宣王也萬民離散不安其居而能勞來還定安集之至于鰥寡無不得其所焉

鴻鴈于飛肅肅其羽之子于征劬勞于野爰及矜人哀此鰥寡 鴻鴈于飛集于中澤之子于垣百堵皆作雖則劬勞其究安宅 鴻鴈于飛哀鳴嗻嗻維此哲人謂我劬勞維彼愚人謂我宣驕

鴻鴈于飛肅肅其羽興也大曰鴻小曰鴈肅肅羽聲

也之子侯伯卿士也劬勞病苦也矜憐也老無妻曰  
鰥偏喪曰寡中澤澤中也一丈爲板五板爲堵究窮  
也哀鳴嗻嗻未得所安集則嗻嗻然也宣示也

庭燎三章章五句

庭燎美宣王也因以箴之

夜如何其夜未央庭燎之光君子至止鸞聲將將  
夜如何其夜未央庭燎晰晰君子至止鸞聲噦噦  
夜如何其夜鄉晨庭燎有輝君子至止言觀其旂

央且也

且薦也凡物薦之則有二層未且猶言未漸進也與未央鄉晨爲次第若作旦字則與鄉

晨不別矣

庭燎大燭君子謂諸侯也將將鸞鑣聲艾久也



晰晰明也噦噦徐行有節也燁光也

沔水三章二章章八句一章六句

沔水規宣王也

沔彼流水朝宗于海歟彼飛隼載飛載止嗟我兄弟邦  
人諸友莫冒念亂誰無父母 沔彼流水其流湯湯歟  
彼飛隼載飛載揚念彼不蹟載起載行心之憂矣不可  
弭忘 歟彼飛隼率彼中陵民之訛言寧莫之懲我友  
敬矣讒言其興

沔彼流水朝宗于海歟彼飛隼載飛載止興也沔水  
流滿也水猶有所朝宗邦人諸友謂諸侯也兄弟同

姓臣也誰無父母京師者諸侯之父母也其流湯湯  
言放行無所入也載飛載揚言無所定止也不蹟不  
循道也弭止也懲止也我友敬矣讒言其興疾王不  
能察讒也

鶴鳴二章章九句

鶴鳴誨宣王也

鶴鳴九皋

古書引皆無于字凡十  
四見唐石于九皋誤

聲聞于野魚潛在淵

或在于渚樂彼之園爰有樹檀其下維稌宅山之石可  
以爲錯 鶴鳴九皋聲聞于天魚在于渚或潛在淵樂  
彼之園爰有樹檀其下維穀宅山之石可以攻玉

鶴鳴興也鶴鳴九皋聲聞于野皋澤也言身隱而名著也魚潛在淵或在于渚良魚在淵小魚在渚樂彼之園爰有樹檀其下維藩何樂於彼園之觀乎藩落也尚有樹檀而下其藩它山之石可以爲錯錯石也此謂錯卽厝之段借可以琢玉舉賢用滯則可以治國穀惡木也攻錯也

祈父三章章四句

祈父刺宣王也

祈父子王之爪牙胡轉予于恤靡所止居 祈父子王之爪士胡轉予于恤靡所底止 祈父實不聰胡轉予

于恤有母之尸饔

祈父司馬也職掌封圻之兵甲恤憂也宣王之末司

馬職廢羌戎爲敗士事也

此與褰裳傳士事也皆當作事士也經文本作事

底至也直誠也尸陳也孰食曰饔

白駒四章章六句

白駒大夫刺宣王也

皎皎白駒食我場苗繫之維之以永今朝所謂伊人於

焉逍遙 皎皎白駒食我場藿繫之維之以永今夕所

謂伊人於焉嘉客 皎皎白駒賁然來思爾公爾侯逸

豫無期慎爾優游勉爾遐思 皎皎白駒在彼空谷生

芻一束其人如玉無金玉爾音而有遐心

皎皎白駒宣王之末不能用賢賢者有乘白駒而去

者繫絆維繫也藿猶苗也夕猶朝也賁飾也爾公爾

侯逸豫無期爾公爾侯邪

依正義當爾公下增一邪字

何爲逸樂

無期以反也慎誠也空大也

此謂空卽穹之段借也釋詁曰穹大也韓詩正

作穹谷

### 黃鳥三章章七句

黃鳥刺宣王也

黃鳥黃鳥無集于穀無啄我粟此邦之人不我肯穀言  
旋言歸復我邦族黃鳥黃鳥無集于桑無啄我梁此

邦之人不可與明言旋言歸復我諸兄 黃鳥黃鳥無  
集于栩無啄我黍此邦之人不可與處言旋言歸復我  
諸父

黃鳥黃鳥無集于穀無啄我粟興也黃鳥宜集木啄  
粟者喻天下室家不以其道而相去是失其性穀善  
也言旋言歸復我邦族宣王之末天下室家離散妃  
匹相去有不以禮者不可與明不可與明夫婦之道  
復我諸兄婦人有歸宗之義處居也諸父猶諸兄也  
我行其野三章章六句

我行其野刺宣王也

我行其野蔽芾其樛昏姻之故言就爾居爾不我畜復  
我邦家 我行其野言采其蓫昏姻之故言就爾宿爾  
不我畜言歸思復 我行其野言采其蓄不思舊姻求  
爾新特成不以富亦祇以異

祇適也凡此訓  
唐人皆從衣

樛惡木也畜養也蓫惡菜也復反也蓄惡菜也新特

外昏也祇適也

斯千九章四章章七句五章章五句

斯千宣王考室也

秩秩斯千幽幽南山如竹苞矣如松茂矣兄及弟矣式  
相好矣無相猶矣 似續妣祖築室百堵西南其戶爰

居爰處爰笑爰語 約之閣閣椓之橐橐風雨攸除鳥  
鼠攸去君子攸芋 如跂斯翼如矢斯棘如鳥斯革如  
翬斯飛君子攸躋 殖殖其庭有覺其楹噲噲其正噦  
噦其冥君子攸寧 下莞上簟乃安斯寢乃寢乃興乃  
占我夢吉夢維何維熊維羆維虺維蛇 大人占之維  
熊維羆男子之祥維虺維蛇女子之祥 乃生男子載  
寢之牀載衣之裳載弄之璋其泣嗶嗶朱芾斯皇家室  
君王 乃生女子載寢之地載衣之裼載弄之瓦無非  
無儀唯酒食是議無父母詒羅

秩秩斯干幽幽南山興也秩秩流行也干澗也

此謂  
假借



幽幽深遠也苞本也猶道也似嗣也

此謂段借也

西南其

戶西鄉戶南鄉戶也約束也閭閻猶歷歷也

閭讀如洛

橐用力也芋大也

此謂芋同許

如跂斯翼如人之跂竦翼

爾也棘棧廉也革翼也

此謂革即鞠之段借韓詩正作鞠云翅也

躋升也

殖殖言平正也有覺言高大也正長冥窈也乃占我

夢言善之應人也半珪曰璋裳下之飾也璋臣之職

也裼緼也

韓詩作褻正字也此段裼褻字爲之

瓦紡專也

紡塲俗謂之鐫無儀

婦人質無威儀也罹憂也

### 無羊四章章八句

無羊宣王考牧也

誰謂爾無羊三百維羣誰謂爾無牛九十其牯爾羊來  
思其角濺濺爾牛來思其耳溼溼 或降于阿或飲于  
池或寢或訛爾牧來思何裒何笠或負其簠三十維物  
爾牲則具 爾牧來思以薪以蒸以雌以雄爾羊來思  
矜矜兢兢不騫不崩麾之以肱畢來旣升 牧人乃夢  
眾維魚矣旒維旟矣大人占之眾維魚矣實維豐年旒  
維旟矣室家溱溱

黃牛黑肩曰牯其角濺濺聚其角而息濺濺然也其  
耳溼溼同而動其耳溼溼然訛動也 毛謂訛即訛也 何揭也  
裒所以備雨笠所以禦暑三十維物異毛色者三十

也矜矜兢兢以言堅彊也騫曜也

此從集注本騫考工記作耀讀爲哨

頃小也毛釋此不騫

崩羣疾也

羣疾謂病者衆也

肱臂也升

升入牢也衆維魚矣實維豐年陰陽和則魚衆多矣  
溱溱衆也旒旗所以聚衆也